

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara:

Naalackersuisut Kangaatsiap eqqaani unittaqattaartumik tunisisarneq pillugu aalisartut inuussutissarsiuutiminnik ingerlatsinerannut killilersuutaaqisumut ataavartumik tunisisinnaaneq ingerlasinnaaleqqullugu qanoq iliuusissamik pilersaaruteqarpat?
(Inatsisartuni ilaasortaq Nikolaj Jeremiassen, Siumut)

Tungavilersuut:

Upernassaq manna Kangaatsiami aalisakkeriviup pisortaata ataatsimeeqatiginerani saqqummiuppara tunisassiorfiit massakuttut itsillugit aalisartut ataavartumik inuussutissarsiuutiminnik ingerlatsinissaminnut periarfissaqanngittut.

Maannamullu pissutsit allangorsimannngillat. Paasinninnera naapertorlugu aalisarnerup ingerlaavartumik atuutinneqarnissaanut periarfissatuaavoq RAL-i taassumalu illoqarfitsinnut qanoq akulikitsisgisumik akuttutisigisumilluunniit tikittarnera assartugassanik aallerluni, tassami tunitsivitsinni qerititsiviit killeqarput ulikkaapallatarlutillu, ullullu fjortinikkaarlugit RAL-ip Kangaatsiamut tikikkaangat aatsaat imaarneqartarluni.

Ullut fjortinit tikittarnera taassumallu malitsigisaanik tunitsiviup qerititsiviata imaarneqartarnera soorunami akuttuallaarpoq, pissutsillu massakuttuut aalisartut sivisoorujussuarmik utaqqisarnerat akuersaarneqarsinnaanngittoq ingerlaannartussaavoq. Taakkualu iluarsiniarlugit aaqqiissutissamik Naalackersuisut misissuissasut kissaatiginarpoq.

Apeqquteqaatimma ullut suliffiusut qulit iluanni akineqareersimanissaat kissaatigaara.